



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

§. IV. De Interstitijs.

[urn:nbn:de:hbz:466:1-73031](#)

tatur ; sic Castropal. cit. D. unic. p. 13. num. 13.

Not. 2. eum , qui citra Privilegium, vel dispensationem, extra tempora , se promoveri facit in sacris , incurtere suspensionem ab executione Ordinis sic suscepiti, dum impleverit penitentiam impositam ab Episcopo , qui in culpa non fuit , c. cum quidam , c. consultatione tua h. t. junct. gloss. V.utrobique : Ordinantem autem priuari potestate conferendi Ordines, quos illicite contulit , c. cum quidam , c. sanè , c. literas h. t.

Q. III.

An Privilegium recipiendi Ordines extra tempora restrictum sit ad dies Festos , etiam in foro ?

Cum in Privilegijs recipiendi factos Ordines extra tempora consueta , communiter ponatur facultas, eos dandi , & recipiendi diebus Dominicis , vel Festis ; quæstio est , an Festum hic supponat pro Festo chori , & fori , an pro Festo tantum chori ? quale est Festum , quod in Choro celebratur ritu duplice , vel semiduplici , esto tali die populus det operam servilibus ? Nam Urbanus VIII. in recognitione Pontificalis , titulo de Ordinibus conferendis , mandavit addi , diebus festis , de præcepto ; Castropalaus autem cit. n. 13. in fine , judicat , probabilius esse , intelligi Festum chori , & fori , quod scilicet sub præcepto celebrari debet à Clero , & populo , cum abstinentia à servilibus , nisi addatur Festo duplice , aut semiduplici . Tunc enim , ait , sufficere , etiam tale Festum , licet sit solius chori . Ratio ejus est , quia Festum , juxta communem significacionem , supponit pro die festivo sub præcepto audiendi sacram , & abstinenti à servilibus ; sed in illis Privilegijs sic Festum accipitur ; ergo . Sic etiam Pirhing h. t. n. 81. Azor. p. 1. l. 2. c. 27. q. ult. Barbosa cit. allegat. 11. n. 18. & contrariam sententiam prohibitam esse in decreto Urbani VIII. monet Cardinalis de Lugo l. 11. respons. moral. dub. 43. Volunt autem Barbosa , & Castropalaus apud Gobat in Theolog. Experiment. tr. 8. n. 479. sufficere , si sit Festum habens solennitatem diei Festi in tali diaœsi ; & ipse Gobat à n. 486. sufficere , si ce-

lebretur tale Festum solenniter in solo aliquo Monasterio ; vel si in choro , & foro , non ex præcepto , sed ex mera devotione ; vel si ex præcepto , sed solum ante prandium ; quia Pontifex non tam respicit qualitatem præcepti , quam solennitatis publicæ . Econtra pro tali casu sufficere Festum duplex solius chori etiam ad maiores Ordines , docet Rodriquez tom. 3. quæst. Regular. q. 23. a. 5. Fagundez l. 1. præcept. Ecclesiæ. c. 2. n. 12. P. Benedictus Pereyra in Elucidario n. 1345. ubi ait : non catere probabilitate , per Festos dies , in Ordine ad Sacra , & officia Divina , comprehendendi etiam dies duplices , licet non sint à laboribus feriati , citans pro hac opinione P. Suarez tom. 1. de Relig. de diebus Festis , c. 9. n. 22. & in praxi eam sententiam esse probabilem , docet Castropalaus cit. Gobat cit. n. 472. & seq. tutam , Diana p. 5. tr. 13. resol. 97. & complures alij.

In hac quæstione judico , verum esse , quod per Festum de præcepto , propriè significetur Festum feriatum à servilibus , ut patet ex communi hominum usu ; in significacione autem Juridica , seu jure favorabili , rectè etiam intelligi Festum chori tantum , quod habeat solennitatem ritus duplices in choro tantum ; cum ergo Privilegium hoc sit de Jure favorabili , rectè dicitur , secundum illud , Ordines factos licet conferri quolibet Festo duplice de præcepto , licet non feriato . Nec obstat , quod dicitur de decreto Urbani VIII. nam duplia , etiam non feriata , rectè dicuntur de præcepto , prout ejusmodi Festa opponuntur Festis ad libitum , vel meræ devotionis , sine publica solennitate . V. Gobat à n. 474. Si autem Privilegium careat clausula : de præcepto , à fortiori res procedit ; & sic habere nostram Societatem , constat ex Compend. Privileg. V. Ordines , Q. 30.

Q. IV.

De Interstitijs.

Per Interstitium hic intelligitur spatiū temporis , quod ab uno accepto ad alterum Ordinem recipiendum interponi debet , ut Ordinatus in accepto exercet se per illud tempus , priusquam ad aliud ascendat . Quantum temporis ab uno minorum Ordinum ad alterum inter-

poni debeat, non est Jure definitum, ut tradit Gobat in *Theol. experiment. tr. 8. n. 490.* addens *n. 492.* ex consuetudine jam recepta, omnes quatuor minores simul, cum prima tonsura, eodem die conferri; id, quod jam communiter observatur ab Ordinariis; ab ultimo minorum Ordinum, ad susceptionem Subdiaconatus, *annus integer* interponi debet de Jure; *Trid. Sess. 23. de Reform. c. 11.* à Subdiaconatu, ad Diaconatum, *saltem unus annus*, sic *Trid. cit. c. 13.* à Diaconatu, ad Presbyterium *ad minus annus integer*; sic *Trid. Sess. cit. c. 14.* *annus* autem hic computandus est *Ecclesiastice*, non *Physice*; *Castropal. cit. n. 5.* scilicet à jejunio quatuor temporum hujus anni, usque ad simile jejuniū sequentis; vel à Sabbatho Sancto hujus, ad Sabbathum sequentis anni.

2185. Pro his ulterius not. 1. à minoribus ad majorem, vel ab uno sacro ad alterum, ascensum non esse licitum, nisi habent Privilegium, vel dispensationem (ut patet ex dictis) non servatis interstitijs, vel intervallo temporis præscripto; 2. quando necessitas, vel utilitas Ecclesiæ postulat, aliquem ordinari *in sacris*, posse Episcopum cum suis dispensare, ut id fiat, *non servatis interstitijs*; ut autem dispenset pro transitu à minoribus ad Subdiaconatum, vel ab hoc ad Diaconatum, non sufficere quamlibet rationabilem causam; sed requiri, quod hoc exigat necessitas, & utilitas Ecclesiæ; sic *Castropalaus cit. n. 6. & 7. ex Trid. Sess. 23. c. 13. & 14.*

2186. Ex his colliges, quod ex causa rationabili Episcopus dispensare possit aliquem ordinari in quatuor minoribus simul, & Subdiaconatu, eodem die; quia nullum est jus id prohibens, cum solùm *simul duos Ordines sacros, eodem die, conferri*, prohibitum sit; ita Vasquez, Henriquez, Layman, Villalobos, & alij, quos citat, & loquitur *Castropal. cit. nu. 5.* ubi ait, se ipsum vidisse, quod in Hispania quatuor minores, *simul eodem die* cum Subdiaconatu collati sint.

2187. Duo autem *Ordines sacri, simul eodem die*, nulli, etiam Regularium, conferri possunt, nec in hoc ullus inferior Pontifice, seu Papâ, dispensare potest, ut constat ex *Trid. Sess. 23. c. 13. de Reform.* quo sublatum est privilegium Benedictionis concessum ab Eugenio Papa, ut *eodem die om-*

nes sacros Ordines recipere possint, de quo diximus n. 2174. id, quod etiam constat ex c. Literas 13. ibi: si enim utrumq. Ordinem eodem die conferre illi non licuit &c. loquitur autem de Diaconatu, & Presbyterio; item 2187. ex c. dilectus 15. de Temporib. Ordination. ubi Episcopus, confrens eidem, una die, plures sacros Ordines, ab ordinandi potestate suspenditur; sic cum pluribus alijs Castropal. cit. n. 13.

Not. 3. quando diximus, quod proprius Episcopus cum suis dispensare possit in interstitijs, intelligendum 1. si ab ipso met ordinentur; 2. si eos dimittat ad Episcopum alienum cum dispensatione expressa in dimissorialibus, vel alio instrumento. Episcopus autem alienus nunquam dispensare potest cum alienis, etiam habentibus dimissoriales à proprijs Ordinariis, nisi Episcopus, concedens dimissorias, in his exprimat, se Episcopo ordinanti, hanc facultatem concedere; *Gobat. cit. n. 493.* nam Episcopi Jurisdictio non est nisi ad suos tantum.

Nec obstat constitutio Innocentij XI. de qua locuti sumus hinc *n. 2124.* ex qua male aliqui intulerunt 1. Episcopis per eam *prohibitum esse*, cum suis dispensare in interstitijs; 2. post eam constitutionem, non licere Episcopis ordinare alienos subditos *non servatis interstitijs*, licet à suis Ordinariis afferant dimissoriales cum expressa ipsorum dispensatione in interstitijs. Nam utrumque fallit, ut constat ex dictis supra. Ex illis enim clarum est, quod Episcopos permittat in jure suo quoad dispensationem, ipsis concessa in Tridentino, eosque nullo jure prohiberi, quod minus ordinent alienos, etiam non servatis interstitijs, si habeant dimissorias à suis Ordinariis cum expressa dispensatione in illis.

Not. 4. etiam Capitulum, Sede vacante, vel ejus Vicarium, interstitia posse remittere, in illis casibus, quibus potest alteri Episcopo dare licentiam ordinandi; sic Valensis hinc *n. 7.* Cæterum Ordinans, vel ordinatus, sine interstitijs peccat quidem; sed nullam pœnam incurrit; sic Navarr. *Confil. 4. & 6. de Tempor. Ordinat. V. instà à n. 2795.*

Loquendo autem de qualitate Ordinandorum, & Ordinatorum, nota, per hanc nihil aliud intelligi, quam accidens alii quod:

quod , afficiens personam ordinandi , vel ordinati . Hoc accidens quandoque est bonum , ut morum probitas , prudentia , scientia &c. quandoque malum , ut morum pravitas , illiteratura , excommunicatio , suspensio , infamia , &c. sed de his in praesens nihil dicendum occurrit , cum

multa jam præmissa sint , reliqua in sequentibus dicenda , præsetim quoad quasdam irregularitates , quæ petuntur ex diversis accidentibus cujusmodi sunt defectus natalium , servitus , bigamia , &c. V.

num. 2795. & seqq.

* *

QUÆSTIO XII.

IN TITULUM XII. DE SCRUTINIO IN ORDINE FACIENDO.

2190. Per scrutinium in ordine facendum hic intelligitur examen Ordinandorum ; sic Desselius hic §. 1. Hoc scrutinium , seu examen Ordinandorum duplex est ; unum ante , alterum in ordinatione facendum ; Vallensis hic nu. 2. Primum fit ante ordinationem , inquirendo (juxta Tridentinum sess. 23. c. 7. de reform. de ordinandorum moribus , vita , natalibus , titulo , scientia , habilitate &c.) secundum in ipsa ordinatione , quæ sit ab Archidiacono , quem Episcopus solet interrogare , an eum , quem exhibet ordinandum , sciat esse dignum ? qui tunc responderet , se scire dignum esse , quantum humana fragilas patitur . Primum examen fieri debet feriâ quartâ ante ordinationem , vel quando Episcopo videbitur ; sic Trid. loc. cit. ibi : sancta Synodus , antiquorum Canonicum vestigijs inhærendo , decernit , ut , quando Episcopus ordinationem facere disposuerit , omnes , qui ad sacrum ministerium accedere voluerint , feriâ quartâ ante ipsam ordinationem , vel quando Episcopo videbitur , ad civitatem evocentur ; Episcopus autem , Sacerdotibus , & alijs prudentibus viris , peritis divinae legis , ac Ecclesiasticis sanctioribus exercitatis , sibi ascitis , Ordinandorum genus , personam , etatem , institutionem , mores , doctrinam , & fidem , diligenter investiget , & examinet . Ad hoc examen non tenetur Episcopus vocare Archidiaconum ; sic Barbos. in cit. loc. Trid. nu. 3. Ut Archidiaconus licet respondeat , se scire dignum , sufficit , quod nesciat , illum esse indignum . Barbos. in c. unic. h. t. nu. 1. non tamen rudi nescientia ; quia re verâ non oportet DEI , ac summi Domini nostri ministerio aptare , nisi testimonialibus literis , ut vere pientissime præcipit Innocentius

XII. de quo nu. 2123. legitimè instructos , in qua re gravantur conscientiæ , de moribus , & scientia deponentium ; si enim reflexio fiat , de aptandis ad ministeria seminarum ; quæ ibi cura ?

Praeter hæc not. 1. in hoc decreto Tridentini , per civitatem intelligi Ecclesiam Cathedram ; vel saltem , si ex causa aliqua Ordines celebrari contigerit , Ecclesiam digniorem ; sic Sylvester V. Ordo. 2. n. 8. quamvis , ut constat ex praxi , quandoque Ordines conferant Ordinarij etiam in Ecclesia commodiore ; aut etiam Oratorijs , vel proprijs , vel Monasteriorum , aut Collegiorum .

2191.

Not. 2. per ordinandorum genus intelligi , num sint ex parentibus Catholicis ; vel de proditione damnatis , aut nati de Matre serva ? num legitimi ? non autem an descendant ex progenie Hebræorum ; nisi alio impedimento laborent , quo excludantur à suscipiendis ordinibus ; de quo V. Sanchez in decalog. tom. 1. l. 2. c. 28. per institutionem autem ibid. ut examinentur super titulo sufficienti , sine quo non debent ordinari , juxta dicta à n. 2151.

Not. 3. Primum examen , pertinere ad Episcopum ordinarium ; qui , si cui dat dimissorias , ad Episcopum alienum , instituere prius debet examen de vita , & moribus instituenti , juxta Trid. sess. de reform. cap. 3. ibi : Episcopi per semetiplos ordines conferant ; quod , si ægritudine fuerit impediti , subditos suos aliter , quam sane probatos , & examinatos , ad alium Episcopum ordinandos , dimittant ; excipe , nisi malit , hoc ipsum committere illi Episcopo , qui sic dimissum ordinaturus est .

2192.

Not. 4. Episcopum , ad quem aliquis pro recipiendis ordinibus , à suo Episcopo , legitimè dimissus est , esto hic habeat com-